

KERATAN AKHBAR-AKHBAR TEMPATAN
TARIKH: 11 DISEMBER 2015 (JUMAAT)

Bil	Tajuk	Akhbar
1	Exemplary educators	The star
2	Tiada episod hujan lebat	Harian Metro
3	Pengukuhan sistem harta intelek	Kosmo
4	Pati Pandan Lakar Sejarah	Harian Metro
5	Usaha tak kenal penat berbaloi	Harian Metro

Exemplary educators

Two Malaysian teachers are in line to win US\$1 mil

PETALING JAYA: Two Malaysian teachers have beaten close to 8,000 others from 148 countries to stand a chance to win US\$1mil (RM4.3mil).

Noorjahan Sultan and Vanesri Kasi are among 50 shortlisted candidates for an award that recognises an exceptional teacher who has made an outstanding contribution to the profession.

The Varkey Foundation Global Teacher Prize 2016 award worth RM4.2mil also aims to shine the spotlight on the role of teachers.

Noorjahan, 44, a preschool teacher, said the nomination was like "a gift" and that it made her feel appreciated.

"I hope I am inspiring young educators. Just like any other teacher in the world, we struggle to get the best from our kids," said Noorjahan, who has 22 years of experience.

She was also a finalist for the National Innovation Award by the **Science, Technology and Innovation Ministry** last year.

Since 2009, Noorjahan has pioneered "Let's Rhyme", a method of English language learning based on the alphabet and thematic rhyming, often infused with moral values and cultural understanding.

She is chosen as a national trainer for preschool teachers and has adopted a train-the-teacher approach to spread the method faster.

Noorjahan hopes to continue



Shining duo: Vanesri (left) has already received several awards for her teaching methods while Noorjahan hopes to continue working on her 'Let's Rhyme' module.

working on her "Let's Rhyme" module if she wins and to distribute it to more people.

"I'm now putting in effort to digitise the module into an audiovisual application in line with the 21st century style of learning," said Noorjahan, who teaches in a preschool in SK Indera Mahkota Utama, Kuantan.

Despite being only 25, Vanesri, a remedial education teacher at SJK(T) Jalan Khalidi Muar, Johor, has already received several awards, including one for the way she has

integrated sports into her teaching.

She has also achieved outstanding results in reintegrating children back into mainstream schools.

"I focus on slow learners. I make them feel confident and be able to talk bravely in front of others.

"My goal is to provide opportunities for slow learners to showcase their strengths," she said.

She gets students to present their projects and uses teaching aid to help them understand their lessons.

Her lessons are also peppered

with jokes to create a relaxed atmosphere for students.

If she wins, Vanesri hopes to donate the prize money to autism centres or to remedial or special education classes. She also has plans to start building a therapy room project to provide special children with the tools for moving forward and to lead productive lives.

The winner will be announced at the Global Education and Skills Forum in Dubai on March 16 next year.

Tiada episod hujan lebat

Kuala Lumpur: "Berdasarkan analisis terkini menerusi Model Tinjauan Cuaca Berangka yang dijalankan sehingga hari ini (semalam), tiada episod hujan lebat monsun dijangka berlaku di Pantai Timur Semenanjung dalam tempoh terdekat.

"Cuaca sedia ada kekal sehingga Rabu minggu depan dan ia bergantung kepada hasil tinjauan harian yang meramalkan keadaan untuk tempoh enam hari seterusnya," kata Ketua Pengarah Jabatan Meteorologi Malaysia (METMalaysia) Datuk Che Gayah Ismail.

Menurut beliau, analisis itu mengambil kira beberapa faktor perubahan atmosfera seperti angin dan cuaca selain perkembangan cuaca lain antaranya ribut atau taufan.

"Dalam tempoh enam hari, kawasan serantau negara ini terus menerima tiupan angin Timur dan Timur Laut. Justeru, hujan berlaku di satu atau dua tempat di negeri di Pantai Timur dan Barat Sarawak pada awal pagi.

"Manakala pada waktu petang dan awal malam, hujan dan ribut petir dijangka berlaku di kebanyakan tempat di negeri di Pantai Barat Semenanjung selain kawasan pedalaman di Pahang, Terengganu dan Kelantan. Ia turut termasuk di semua kawasan di Sarawak dan Timur Sabah," katanya ketika dihubungi Harian Metro di sini, semalam.

Che Gayah berkata, pihaknya bagaimanapun tidak menolak kemungkinan berlaku hujan lebat monsun di semua negeri di Pantai Timur selain kawasan pantai di Sarawak dan Barat Sabah selepas tempoh berkenaan.

Mereka yang ingin mendapatkan maklumat terkini mengenai cuaca boleh melayari laman web di www.met.gov.my atau laman Facebook di www.facebook.com/malaysiamet.



CHE Gayah

KERATAN AKHBAR TEMPATAN
KOSMO (EDISI KHAS KOSMO) : MUKA SURAT 3
TARIKH: 11 DISEMBER 2015 (JUMAAT)

Pengukuhan sistem harta intelek

PERANAN perlindungan harta intelek kian berkembang dari semasa ke semasa. Ia bukan lagi tertakluk kepada perlindungan pendaftaran harta intelek dan menghormati hak harta intelek tetapi lebih kepada faktor menjana pendapatan negara.

Pembangunan ekonomi negara dikaitkan dengan banyaknya inovasi atau kreativiti sesebuah negara. Harta Intelek merupakan satu komponen dalam pembangunan inovasi dan pertumbuhan ekonomi, meningkatkan dan menarik pelaburan, merangsang kreativiti dan inovasi, penyebaran maklumat dan berkongsi pengetahuan ke arah pertumbuhan ekonomi dan pembangunan negara.

Menyadari hakikat itu, kerajaan telah memberi tanggungjawab kepada Perbadanan Harta Intelek Malaysia (MyIPO) untuk membangunkan Model Penilaian Harta Intelek dan memberi latihan kepada penilai-penilai tempatan harta intelek di samping menubuhkan platform pemasaran harta intelek di negara ini.

Dalam memperkukuhkan pembiayaan harta intelek pula, Skim Dana Harta Intelek ditubuhkan di bawah Malaysian Debt Ventures (MDV) bagi menyediakan dana khas untuk industri kecil sederhana (IKS) menggunakan harta intelek sebagai instrumen cagar kepada pembiayaan kewangan dari institusi kewangan.

Pada awal 2013, MyIPO telah mengambil pelbagai langkah seperti perbincangan meja bulat, dialog dan perbincangan dengan industri berkepentingan serta pakar harta intelek bagi menyediakan Model Penilaian Harta Intelek yang bersesuaian dengan keperluan dan kehendak tempatan.

Model Penilaian Harta Intelek menyediakan satu pasaran yang sangat diperlu dan diperjelaskan mengikut garis panduan pihak yang berkepentingan untuk melaksanakannya. Antara elemen utama Model Penilaian ini adalah penye-



NAJIB (kanan) diiringi Menteri Perdagangan Dalam Negeri, Koperasi dan Kepenggunaan, Datuk Seri Hamzah Zainudin merasmikan IP Monetisation Roadmap sempena Majlis Anugerah Harta Intelek Negara pada 10 September lalu.

diaan metodologi penilaian yang boleh diterima pakai oleh institusi kewangan.

Model itu akhirnya dapat disiapkan dan dilancarkan dengan rasminya sempena Persidangan Harta Intelek Global yang pertama pada 5 November 2013.

Ia selaras dengan tanggungjawab yang diberikan kepada MyIPO untuk menerajui dan memupuk ekosistem IP yang lebih kondusif dan mudah dengan membolehkan aset harta intelek dikomersialkan dan mendapat pulangan wang (*monetisation*).

Ia juga mengenal pasti peranan utama pemain dan pihak berkepentingan yang akan menjadi penyumbang utama kepada hala tuju, aspirasi dan inisiatif Pelan Tindakan Harta Intelek serta merangka langkah-langkah yang perlu diambil dari tahun 2015 hingga 2020 untuk menjadikannya sebagai langkah baharu agenda harta intelek negara.

IP Monetisation Roadmap

Pelan Hala Tuju Pulangan Masuk Kewangan Harta Intelek atau lebih dikenali sebagai IP Monetisation Roadmap dapat disedia dan dilancarkan secara rasminya pada 10 September 2015 sempena Majlis Anugerah Harta Intelek Negara oleh Perdana Menteri, Datuk Seri Najib Tun Razak.

IP Monetisation Roadmap pada asasnya bertujuan untuk menangani harapan, keinginan, isu-isu utama dan masalah

yang telah ditimbulkan oleh pelbagai pihak yang berkepentingan mengenai bagaimana untuk meningkat dan mempercepatkan aktiviti pulangan wang masuk (*monetisation*) berkaitan dengan harta intelek dan menilai kadar kejayaan aktiviti harta intelek di Malaysia.

Pelan hala tuju ini dibuat atas aktiviti semasa yang dijalankan oleh kerajaan dalam bidang IP Valuation, IP Financing and IP Market Place sejak tahun 2013.

Pengkomersialan dan *monetisation* harta intelek adalah persamaan dan kejayaan yang penting untuk teras keseluruhannya bagi meletakkan Malaysia sebagai negara berasaskan pengetahuan dan pulangan inovasi melalui Program Transformasi Ekonomi Kerajaan (GETP) yang boleh dikomersial dan dilabur serta penyebaran dan pemindahan pengetahuan yang dinyatakan sebagai pulangan ke atas pelaburan bagi sumber dan dana yang dibelanjakan dalam melaksanakan program-program transformasi.

Pelbagai kajian dan laporan antarabangsa telah menunjukkan bukti bahawa harta intelek adalah merupakan satu komponen yang penting dalam menentukan pertumbuhan ekonomi dan kekuatan sesebuah negara dengan memberi kesan kepada Keluaran Dalam Negara Kasar (KDNK) negara, menambahkan peluang pekerjaan dan meningkatkan pendapatan serta meningkatkan nilai firma.



MOBIL unit MyIPO ini lazimnya digunakan untuk program kesedaran harta intelek.

Ia juga selaras dengan aspirasi negara untuk menjadikan Malaysia sebagai negara berpendapatan tinggi menjelang tahun 2020.

Jangkaan hasil atau kesan IP Monetisation Roadmap untuk Malaysia adalah mewujudkan pekerjaan baharu dan membangunkan keupayaan dalam industri harta intelek, memperkasakan keusahawanan, meningkatkan prestasi dan pertumbuhan IKS melalui IP Monetisation.


Definisi Monetisation:

Monetisation bermaksud untuk mencipta nilai kewangan dan pulangan melalui mekanisme seperti pelesenan hak harta intelek kepada pihak lain, securitising pendapatan royalti atau hasil untuk meningkatkan pembiayaan, menggunakan harta intelek tersebut sebagai instrumen cagar untuk mendapatkan pinjaman dan pembiayaan dan untuk menjual atau perdagangan hak aset harta intelek tersebut secara umum untuk keuntungan.

Maklumat Lanjut MyIPO

Alamat:
Unit I-7, Aras Bawah, Menara UQA
Bangsar, No 5, Jalan Bangsar Utama 1
59000 Kuala Lumpur
Tel : 03-2299 8400/03-2299 2323
Web : www.myipo.gov.my
E-mel : ipmalaysia@myipo.gov.my

KERATAN AKHBAR TEMPATAN
HARIAN METRO (LELAKI) : MUKA SURAT 20
TARIKH: 11 DISEMBER 2015 (JUMAAT)





USAHA tak kenal penat BERBALOI

Oleh Siti Zarinah Sahib
siti.zarinah@metro.com.my

Bukan mudah untuk senang. Hanya mereka yang berjiwa kental serta mempunyai semangat tinggi mampu merealisasikan impian bergelar usahawan berjaya. Ini kerana perniagaan memerlukan segalanya bukan setakat modal tetapi seluruh jiwa dan raga harus diberikan untuk mencapai apa yang diinginkan.

Bagi Mohd Khairil Said, 38, untuk berada pada tahap sekarang dengan mengeluarkan 60 produk berasaskan tumbuhan semula jadi bukanlah sesuatu yang mudah. Namun, dia mampu membukakan produk Sutra kini bukan

saja memasuki pasaran Malaysia tetapi luar negara termasuk Mesir, Pakistan dan Belanda serta mendapat tempat di hati rakyat Malaysia. Ikuti temu bual M dengan pengasas produk Sutra, Mohd Khairil Said (MK).

M: Ceritakan serba sedikit mengenai latar belakang anda.

MK: Saya mendapat pendidikan di Universiti Malaysia Sarawak dalam jurusan Kejuruteraan Kimia Marin. Kemudian saya bekerja sebagai Pegawai Penyelidik Kimia di Institut Bioteknologi Melaka dan tugas saya mencari bahan semula jadi yang boleh diekstrak seterusnya memberi kebaikan kepada manusia.

Namun selepas tiga tahun berkecimpung dalam bidang penyelidikan dan mengeluarkan pati tumbuh-tumbuhan, saya mulai rasa kekurangan kerana bagaikan ada sesuatu yang masih belum saya peroleh. Akhirnya selepas tiga tahun saya melepaskan jawatan sebagai pegawai penyelidik.

M: Anda sudah memegang jawatan kukuh sebagai pegawai penyelidik. Apa yang anda cari sebenarnya?

MK: Ketika itu perasaan saya kuat untuk berniaga kerana berasaskan perniagaan adalah jalan terbaik untuk meraih kepuasan dan kejayaan. Malah, dalam al-Quran sendiri ada menyebut sembilan perpuluh rezeki adalah dengan berniaga. Lantas, saya melakukan solat Istikharah untuk meminta petunjuk bagi mencari apa yang patut dilakukan kerana saya masih muda.

Selepas berkali-kali melakukannya, saya bulatkan tekad berhenti kerja untuk menceburkan diri dalam dunia perniagaan berdasarkan penyelidikan produk herba.

M: Bagaimana dengan keluarga mengenai keputusan anda?

MK: Keluarga menentang keras hasrat saya itu kerana bagi mereka, saya sudah mempunyai pekerjaan kukuh dan lebih terjamin jadi, untuk apa berhenti kerja.

Hari demi hari, saya cuba meyakinkan ibu bapa saya dan selepas puas dipujuk, mereka merestui niat saya yang mahu meluaskan mata pencarian keluarga.

M: Apa yang anda lakukan seterusnya? Untuk berniaga memerlukan modal. Adakah anda mempunyai modal melakukan perniagaan?

MK: Pada 2007, saya tekadkan azam ingin menjadi usahawan berjaya, saya memberanikan diri membuat pinjaman dengan Majlis Amanah Rakyat (MARA) sebanyak RM1.6 juta bagi kos pembinaan

MOHD Khairil berharap Sutra dapat diterima di luar negara.

SAMBUNGAN...

HARIAN METRO (LELAKI) : MUKA SURAT 17

TARIKH: 11 DISEMBER 2015 (JUMAAT)

kilang, peralatan dan domestik.

Bagaimanapun, jumlah itu tidak mencukupi kerana saya masih memerlukan RM2.5 juta bagi menyempurnakan perancangan itu. Saya meminjam pula daripada ahli keluarga dan kenalan untuk menampung kos itu. Berkat kesabaran akhirnya saya berjaya membuka kilang dengan bantuan 10 pekerja pada 2007.

M: Apakah produk yang anda keluarkan ketika itu?

MK: Secara perlahan-lahan saya mengeluarkan produk minyak herba dengan kapasiti terhad kerana mahu melihat dahulu potensi pasaran. Andainya membawa keuntungan, saya berasakan ia wajar diteruskan. Alhamdulillah, berkat kesabaran, produk pertama iaitu pati minyak herba dihasilkan kira-kira setahun selepas itu dan mula dijual secara kecil-kecilan di sekitar Melaka.

Biarpun belum menjana keuntungan, saya tetap tidak patah semangat kerana percaya lambat-lau rezeki itu akan mula berpihak kepada saya. Apa yang penting jangan berputus asa.

Kemudian saya cuba menjual secara pukal dan membuat jualan langsung dari rumah ke rumah. Saya jual dalam kuantiti lima ke 10 kilogram berharga RM40 kerana mahu melihat potensinya terlebih dulu. Ketika itu, saya dapat menjual kira-kira 100 barang saja. Saya mula berasakan cabarannya terutama dari segi persaingan serta kepercayaan masyarakat terhadap produk keluaran saya.

M: Apa yang anda lakukan bagi memastikan produk anda berjaya dijual?

MK: Saya hanya mampu bersabar kerana situasi yang sama mungkin pernah dilalui usahawan lain. Saya belajar banyak perkara daripada percubaan pertama ini. Saya yakin produk ini mampu menambat hati ramai. Mungkin teknik pemasaran yang kurang memberangsangkan menyebabkan ia kurang dikenali ramai.

Saya mula mendapatkan maklum balas pengguna untuk mencari jalan penyelesaian. Alhamdulillah, selepas berhempas-pulas selama dua tahun, saya mula mengeluarkan produk Sutra berasaskan minyak pati pandan yang sebelum ini tiada di pasaran. Pemilihan pandan kerana untuk mengeluarkan patinya memerlukan kemahiran tertentu.

M: Mengapa pandan dan tidak tumbuhan lain?

MK: Saya perhatikan pandan sangat dekat dengan masyarakat Melayu. Orang dahulu menggunakan pandan dalam majlis perkahwinan, dijadikan ejen menghalau lipas dan semut, juga menghalang bau busuk dalam peti sejuk dan kereta. Menerusi penyelidikan, saya hasilkan pandan dalam bentuk mandian, aromaterapi dan sabun agar mudah digunakan. Oleh kerana kesukaran mendapatkan pati pandan, Sutra satu-satunya produk berasaskan pandan di Malaysia dan kini sudah memasuki pasaran di Singapura, Brunei dan Indonesia.

M: Bagaimana anda membawa produk ini ke luar negara dan penerimaan masyarakat di sana?

MK: Syarikat saya Tropical Bioessence Sdn Bhd di bawah **Biotech Corp** sering mendapat penajaan daripada Perbadanan Pembangunan Perdagangan Luar Malaysia untuk mengikut rombongan perniagaan ke Eropah. Pada tahun lalu kami memperkenalkan produk Sutra untuk pasaran Eropah dan masyarakat di sana tidak mengetahui

mengenai pandan tetapi sangat sinonim dengan aromaterapi.

Daripada maklum balas, mereka sangat sukakannya. Pada bulan lalu saya bersama Biotech Corp berada di Perancis bagi menghadiri seminar mengenai pengextrakan minyak pati untuk membuat wangian anjuran The Grasse Institute of Perfumery. Menerusi seminar ini saya berpeluang melawat ke kilang jenama produk terkenal L'Occitane serta kilang pembuatan kosmetik di sana. Ia sangat mengujakan saya kerana banyak perkara baru yang boleh saya pelajari.

M: Boleh terangkan mengenai rangkaian produk Sutra?

MK: Sutra ialah produk penjagaan dan kecantikan diri yang dikeluarkan khusus untuk semua peringkat usia serta jantina. Ia merangkumi aromaterapi, wangian dan kesihatan yang dijual bermula RM40 hingga RM120. Selain pandan, saya turut mengeluarkan produk berasaskan buah Melaka. Setiap bulan, permintaan produk Sutra boleh mencecah 200,000 unit.

Saya mengambil masa kira-kira lima tahun untuk mengukuhkan pasaran bermula secara kecil-kecilan sehinggalah berskala besar seperti hari ini. Momentum yang ditunjukkan sejak 2012 cukup baik dan memberi kesan positif kepada perniagaan saya sehingga hari ini.

M: Apakah yang anda peroleh ketika berjuang bagi memastikan Sutra terus kekal di hati pengguna?

MK: Setiap usahawan pasti melalui zaman jatuh dan bangun. Bagi saya sepanjang lima tahun dalam dunia perniagaan banyak mematangkan diri saya untuk menjadi usahawan yang lebih baik.

Saya pernah ditipu kenalan dan menanggung kerugian kira-kira RM60,000 kerana mempercayai bantuan yang diberikan. Saya juga pernah mengalami situasi tiada duit selama enam bulan dan modal yang ada hanya cukup untuk membayar kos pekerja serta pengeluaran produk.

Malah, saya pernah gagal melunaskan sewa bulanan dan duit potongan Kumpulan Wang Simpanan Pekerja (KWSP). Namun, saya masih berada di sini kerana saya yakin lambat-lau kejayaan pasti berpihak kepada saya.

Kini, hasil perjuangan saya memasarkan Sutra, saya sudah mempunyai pusat pengedaran di Kota Kemuning, Shah Alam, Selangor bagi memudahkan proses pengedaran, penghantaran dan jualan.

Saya juga membina sistem stokis dan ejen bagi memberi peluang kepada juga memulakan perniagaan. Saya berharap dapat mengembangkan perniagaan ke satu tahap yang lebih tinggi suatu hari nanti.



Menerusi penyelidikan, saya hasilkan pandan dalam bentuk mandian, aromaterapi dan sabun agar mudah digunakan

MOHD KHAIRIL